

इवनिंग डोगरी न्यूज़ बुलेटिन

समे .18:15 Hrs

<><><><><><>

Headlines

1. मुखमंत्रि उमर अब्दुल्ला होरें आखेआ ऐ जे असुरक्षित ते घट्ट म्यार आहली खाने-पीने आहली चीजां बेचने आहलें खलाफ सख्त कार्रवाई कीती जाग। उनें सब्बै जिलें च जांच अभियानें गी तेज करने दे बी निर्देश दिते।
2. औंदे सुतंत्रता दिवस दे मददेनजर समूलचे जम्मू खिते च सुरक्षा दे निग्गर बंदोबस्त करी लैते गेदे न। थाहरें-थाहरें पर नाके लाए जा'रदे न ते गश्त बदाई दिती गई ऐ।
3. आजादी का अमृत महोत्सव दे बैनर हेठ कल जम्मू-कश्मीर दे संस्कृति मैहकमे आसेआ तिरंगा महोत्सव 2025 दा आयोजन कीता जा'रदा ऐ।
4. समूलचे जम्मू खिते च हर घर तिरंगा अभियान तैहत तिरंगा रैलियें दा आयोजन कीता जा'रदा ऐ।
5. ते जम्मू प्रांतै च कल्लै कोला लेइयै 15 अगस्त तोड़ी भारी बरखा बरने दे असार दस्से गे न।

<><><><><><>

CM-Food Safety

मुखमंत्रि उमर अब्दुल्ला होरें अज्ज इक उच्ची सतह दी बैठक दी अध्यक्षता कीती ते इस्सलै चला;रदे खाने-पीने आहली चीजें दी सुरक्षा यकीनी करने सरबन्धी अभियान दा जायजा लैता। एह् समीक्षा बैठक असुरक्षित मांस ते मांस कन्नै बनने आहले उत्पादें गी जब्त करने दी पछोक्कड़ै च लाई गई। मुखमंत्रि होरें असुरक्षित खाने आहली चीजें गी जब्त करने दे कन्नो-कन्नी बेचने आहलें खलाफ बी सख्त कार्रवाई करने दे निर्देश दिते। उनें इस गल्लै पर जोर देइयै आखेआ जे लोकें दी सेहत गी खतरा पैदा करने आहले अपराधियें पर खाद्य सुरक्षा ते मानक कन्नू दे सरबन्धत प्रावधानें तैहत कार्रवाई कीती जानी लोइचदी। तोआई, गुणवत्ता बनाई रखने लेई सख्त गैह् पुट्टदे होई मुखमंत्रि होरें लखनपुर ते कांजीगुंड च दाखल होने लेई चेक प्वाइंट ते जांच प्रयोगशालाएं दी स्थापना दे हुक्म जारी कीते। उनें सब्बै जिलें च जांच अभियानें गी तेज करने दे बी निर्देश दिते ते डिप्टी कमिशनरें गी आखेआ जे ओह् आपूं बजारें च टीम कन्नै जान ते गुणवत्ता मानकें दी सख्ती नै पालमा यकीनी बनान।

<><><><><><>

Food-Safety

खाद्य पदार्थों की सुरक्षा कन्नै होने आहली खिलाफवर्जी गी रोकने दे मकसद कन्नै खाद्य सुरक्षा मैहकमे आसेआ पुंछ कस्बे दी खाने-पीने आहली केई सारी थाहरें पर छापेमारी कीती गई। इस दरान अधिकारिण केई सारी घट्ट गुणवत्ता ते म्यार आहली चीजें गी बरामद कीता जेड़ियां लोकें दी सेहत लेई ठीक नेई ऐ हियां। इस अभियान दी अगुवाई असिस्टेंट फूड कमिशनर तारिक महमूद होरें कीती। मीडिया कन्नै गल्ल करदे होई उनें आखेआ।

<><><><><><>

I-Day Arrangements

स्वतंत्रता दिवस गी देशभक्ति दी भावना ते पूरे जोश--खरोश कन्नै मनाने लेई जम्मू-कश्मीर च तयारियां जारी न। आकाशवाणी जम्मू संवाददाता दी रिपोर्ट मूजब इसदे लेई पूरे प्रदेश च व्यापक इंतजाम कीते जा'रदे न तां जे होई सकने आहली कुसै बी माड़ी घटना गी रोकेआ जाई सकै। सुरक्षा दे पुख्ता बंदोबस्त कीते गे न ते निगरानी बी बदाई दिती गई ऐ। सुरक्षा लेई बहु स्तरीय इंतजाम कीते गे न। Q.R.T. टीम गी बी तैनात कीता गेआ ऐ। सांस्कृतिक कार्यक्रम ते "हर घर तिरंगा" अभियान स्कूल, कालेज ते सरकारी दफतरें च आयोजित होआ रदे न। लोक बी आजादी का अमृत महोत्सव च बदी-चढ़ियै हिस्सा लै'रदे न। डोडा च बी सुरक्षा दे पुख्ता बंदोबस्त कीते गेदे न तां जे इस राश्ट्री उत्सव गी सफल बनाया जाई सकै। DSP डोडा अजय आनंद होरें इंतजामें बारे गल्ल करदे होई आखेया

<><><><><><>

Drug Awareness Campaign

केंद्री गृह मंत्री हुंदे आसेआ जारी निर्देशें मताबक नशा नियंत्रण ब्यूरो 15 कोला लेइयै 16 अगस्त तगर नशे कोला बचाह लेई इक राश्ट्रव्यापी जागरूकता अभियान दा आयोजन करोग। इस मुहिम दा मकसद लोकें गी नशाखोरी दे माड़े असर बारे जागरूक बनाना ऐ ते "नशामुक्त भारत" संकल्प गी लेइयै सब्भनै गी किट्ठे आहनना ऐ। इस दरान मुख्य भरै दे बक्ख-बक्ख शिक्षा संस्थानें च नशा बरोधी अभियान तैहत कार्यशाला, सेमिनार, पोस्टर बनाना, निबंध लेखन, प्रतियोगिताएं, नुक्कड़ नाटक ते साइकिल रैली ज्नेही गतिविधियें दा आयोजन करोआया जाग तां जे लोकें दी खास करियै नौजवानें दी भारत गी नशामुक्त बनाने लेई सक्रियता कन्नै भागीदारी यकीनी बनाई जाई सकै।

<><><><><><>

Announcement

आकाशवाणी जम्मू दे क्षेत्रीय समाचार एकांश आसेआ औंदी 14 अगस्त गी "विभाजन विभिषिका स्मृति दिवस" दे मौके पर 25एं मिनटें दी इक विशेष परिचर्चा दपैहरी 12 बजे प्रसारित कीती जाग। इस विशेष कार्यक्रम च स्हाढ़े परौहने होडन मन्ने-परमन्ने दे इतिहासकार, लेखक ते राजनैतिक विशेषज्ञ प्रो. हरिओम

ते पी.टी.आई दे ब्यूरो चीफ अनिल भट्ट, जेडे 1947 च भारत ते पाकिस्तान बश्कार होई दी बंड बारें अपने माहिराना बचार सांझे करडन। इस कार्यक्रम दा संचालन करडन न्यूज एंकर जगमोहन शर्मा। एह कार्यक्रम तुस मीडियम वेब 303 मीटर यानि 990 किलोहर्टज़, एफ.एम 100 अशारिया 5 मेगाहर्टज़ उप्पर बी सुनी सकदे हो।

<><><><><><>

Tiranga-Mahotsav

जम्मू-कश्मीर दे संस्कृति मैहकमे आसेया कल तिरंगा महोत्सव-2025 दा आयोजन कीता जा'रदा ऐ। आजादी का अमृत महोत्सव दे बैनर हेठ आयोजित होने आला कार्यक्रम बड्डलै साड्डे 6 बजे शेर-ए-कश्मीर अंतराष्ट्रीय कन्वेंशन सैन्टर च ते बड्डलै 7 बजे श्रीनगर दे Botanical Garden च आयोजित कीता जाग। एहदे च तिरंगा यात्रा सांस्कृतिक प्रदर्शनियां ते इक तिरंगा Concert दा कार्यक्रम होग। उपराज्यपाल मनोज सिन्हा होर इस मौके पर मुख परौहने होगन। लोकें गी साद्दा दिता गेदा ऐ जे ओह इन कार्यक्रमें च बदी-चढ़ियै हिस्सा लैन ते “हर घर तिरंगा अभियान” कन्नै जुड़िये देसै गी नमन करन।

<><><><><><>

Tiranga-Rally

जम्मू पुलस नै रणबीर हायर सेकेंडरी स्कूल कन्नै रलिए हर घर तिरंगा अभियान तैहत इक तिरंगा रैली दा सरिस्ता कीता गेआ। एहदा मकसद सब्भनै अंदर देशभक्ति ते मान आहली भावना पैदा करना ऐ। एसएसपी जम्मू जोगिंद्र सिंह होरें रैली गी हरी झंडी दस्सियै रवाना कीता। इस मौके पर बोलदे होई एसएसपी जम्मू होरें आखेआ।

इक महिला पुलस अधिकारी नै गलाया।

स्वतंत्रता दिवस थमां पैहले रियासी दे जिला प्रशासन ते पुलस दे सहयोग कन्नै इक बाइक रैली दा आयोजन कीता गेआ। एहदे च पुलस ते जिला प्रशासन दे कर्मिं हिस्सा लैता। इस मौके पर बोलदे होई डीएसपी हेडक्वार्टर रियासी विशाला सिंह जम्वाल होरें आखेआ।

राजौरी जिले च बी सरकारी डिग्री कॉलेज कालाकोट च इक तिरंगा रैली दा सरिस्ता कीता गेआ। इस्सै चाल्ली डोडा दे डिप्टी कमिशनर हुं'दी अगुवाई च इक तिरंगा रैली दा सरिस्ता डोडा च बी कीता गेआ।

<><><><><><>

Devika Cleanliness

उधमपुर दे जिला प्रशासन आसेआ देविका घाट गी साफ स्वच्छ बनाने दे मकसद कन्नै हर घर स्वच्छ जतन तैहत साफ-सफाई आहली मुहिम चलाई गई। एह मुहिम हर घर तिरंगा अभियान दा गै हिस्सा ही। एहदा मकसद हा अपने आले दोआले गी हरा भरा ते साफ स्वच्छ बनान। इस मुहिम दी अगुवाई ए.डी.सी

उधमपुर प्रेम सिंह होरें कती। इसदे च जिले दे होर दुए अधिकारी बी शामिल होए। केई सारे गै सरकारी संगठन दे कार्यकर्ताएं, स्वयंसेविएं ते विद्यार्थीएं बी एहदे च हिस्सा लैता। इस मौके पर बोलदे होई एडीसी उधमपुर प्रेम सिंह होरें आखेआ।

<><><><><><>

Reasi-Accident

रियासी जिले च पेश आए दे शिड़क हादसे च 26 लोक घायल होई गे न। एह हादसा उस्सलै पेश आया जिसलै इक बस शिड़क परां रूलबी गई। एह बस रियासी थवां कटड़ा जा'रदी ही। जानकारी मूजब बस काबू शां बाहर होइयै हादसे दा शिकार होई गई। एहदे च 26 लोक घायल होई गए। मुकामी लोक ते पुलस नै मौके आहली थाहर पुज्जियै राहत ते बचाs अभियान चलाया। घायलें गी इलाज लेई जिला अस्पताल रियासी लेता गेआ ऐ। इस बारै होर जानकारी दिंदे होई एसएसपी पी.वी सिंह होरें आखेआ।

<><><><><><>

Weather

मौसम विभाग नै 12 थवां 15 अगस्त बश्कार जम्मू खिते दी केई सारी थाहरें पर बरखा पौने ते अंधी-झक्खड़ झुलने दी पेशगोई कीती ऐ। किश थाहरें पर भारी बरखा बी पेई सकदी ऐ। ताजा आंकड़े मुजब जम्मू खिते च बरखा सामान्य थवां इक फीसद घट्ट होई, जिसलै कि कश्मीर घाटी च 32 फीसद घट्ट होई ऐ। प्रशासन नै लोकें गी मौसम सरबन्धी परामर्श दिक्खने ते सुरक्षा सरबन्धी दिशा-निर्देश दी पालमा करने लेई आक्खेया ऐ।

<><><><><><>

Padma-Awards

पदम पुरस्कारें लेई नामांकन ते सफारशें दी खीरी तरीक 15 अगस्त तोहड़ी बधाई दिती गई ऐ। पुरस्कारें लेई नामांकन छड़े राष्ट्री पुरस्कार पोर्टल पर ऑनलाईन हासल कीते जागंन। बरे 2026 लेई पदम पुरस्कारें दा ऐलान गणतंत्र दिवस, 2026 दे मौके उप्पर कीता जाहग। एकड़े पुरस्कारें च पदम विभूषण, पदम भूषण ते पदम श्री पुरस्कार शामिल न। एह पुरस्कार विशिष्ट कम्मैं गी मान्यता प्रदान करने लेई सब्भनैं खेतरे च विशें च विशिष्ट ते असाधारण उपलब्धियें सने सेवा लेई दिता जन्दा ऐ।

<><><><><><>